

欽依榜文事例通行錦衣衛巡捕官校及巡城御史五城

兵馬司緝拿送問違禁之物入官犯人問罪
送順天府照例納米其言冠婚酒席皆用簇
盤糖饅餅餛飩雖無禁例即令嚴飭民飢合行
禁約冠婚之家酒席宜從省儉舖者不許做
賣大樣簇盤糖饅餅餛飩虛費財用違者依律
問罪納米發落候豐年從宜而用所訪射利
之徒屠宗順等數家欲先捉屠宗順追拿數
家干礙軍民職官俱要正犯到官招出前後
倍價賣過是何寶石等物若干追其多餘價
值銀兩入官給散賑濟仍前各犯問罪奏

請發落以革肅弊其題奉

聖旨屠宗順等且不追寃言幾事還通行給榜申明禁約

犯了的都不饒欽此

禁約京城服飾酒席奢僭并販賣寶石

及樣餅餛飩重則編發充軍例

刑部為禁約事成化七年正月初七日本部

尚書等於

奉天門欽奉

聖旨近來京城風俗日見奢侈官員軍民人等之家衣服
用度多有不遵定制婦女不分良賤緊用織金衣服寶
石頭面婚姻喪葬僭無度一切酒席多用大樣簇盤
糖饅餅餛飩甚至有等射利之徒專以販賣寶石為事高
棧價值取利肥已論這等情罪本難容今且不問總法
司使出榜通行禁約今後官民人等衣服首飾務遵定
制不許僭分比遇嫁娶及置酒席恣從禮節不許競為

侈靡一應鋪戶人等並不許仍前販賣寶石及做賣大
樣餅餠等件違了的駐給事中御史指實糾率仍聽錦
衣衛分巡官并五城兵馬緝拿送問違制之物入官犯
人輒則依律照例發落重則編發邊衛充軍不饒欽此

禁約官員軍民人等收藏暗花龍鳳盤磬

借用例

成化十一年八月二十五日都察院掌院事
太子少保兼左都御史李 等題為禁約事
准刑部咨河南清吏司案呈准錦衣衛鎮撫
司手本該本衛委官千戶王春等題捉獲賊
人徐買兒秦勉并知情管庫鋪數厨役唐完
知情買銅行竈人楊福貴吳福海連賊奏送
鎮撫司問得徐買兒節次盜出暗花龍鳳盤
磬等件官物合送法司擬罪其中或有盜賣
與人者或因私情相送者不知利害收藏在
家私自借用合無刑部轉行都察院通行出
榜禁約限一月以裏許令赴官出首與充本